

BOSNA I HERCEGOVINA FEDERACIJA BOSNE I HERCEGOVINE FEDERALNA UPRAVA ZA INSPEKCIJSKE POSLOVE	BOSNIA AND HERZEGOVINA FEDERATION OF BOSNIA AND HERZEGOVINA FEDERAL DEPARTMENT FOR INSPECTION AFFAIRS	БОСНА И ХЕРЦЕГОВИНА ФЕДЕРАЦИЈА БОСНЕ И ХЕРЦЕГОВИНЕ ФЕДЕРАЛНА УПРАВА ЗА ИНСПЕКЦИЈСКЕ ПОСЛОВЕ
Fehima efendije Čurčića br.6. 71000 Sarajevo		Id broj: 4201159630005

Broj: 01-05-6-02895/2019-3
Sarajevo, 16.07.2019. godine

Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-05-6-02895/2019-2 od 15.07.2019. godine, Direktor Federalne uprave za inspeksijske poslove u ime ugovornog organa, donosi,

O D L U K U

O DODJELI UGOVORA ZA NABAVKU ROBA-KANCELARIJSKI NAMJEŠTAJ

I

Prihvata se preporuka Komisije za javne nabavke broj 01-05-6-02895/2019-2 od 15.07.2019. godine, te se Ugovor o javnoj nabavci roba – kancelarijski namještaj dodjeljuje se ponuđaču „Kraning“ d.o.o. Puračić.

Ugovor sa ponuđačem „Kraning“ d.o.o. Puračić će se shodno prihvaćenoj ponudi broj 20/19 od 27.06.2019. godine, zaključiti pod slijedećim uslovima:

- ukupna cijena ponude iznosi: 12.150,00 KM bez uračunatog PDV-a, odnosno sa uračunatim PDV-om 14.215,50 KM
- Rok plaćanja: 30 dana od dana prijema fakture na protokol ugovornog organa u skladu sa budžetskim načinom plaćanja
- rok i mjesto isporuke: 15 dana od dana potpisivanja ugovora od strane ovlaštenih lica ugovornih strana na lokacije predviđene tenderskom dokumentacijom. Ponuđač „Kraning“ d.o.o. Puračić je obavezan izvršiti dostavu, isporuku, montažu i unošenje roba na lokacijama koje su predviđene tenderskom dokumentacijom.
- garantni rok za sve robe koje su predmet ugovora je 24 mjeseca.

II

Ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezani za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

III

Ova odluka će se objaviti na web stranici Federalne uprave za inspeksijske poslove.

O b r a z l o ž e n j e

Direktor Federalne uprave za inspeksijske poslove je svojom odlukom broj 01-05-6-01617/2019 od 07.06.2019. godine pokrenuo postupak nabavke kancelarijskog namještaja za potrebe uprave putem postupka konkurentskog zahtjeva za dostavljanje ponude uz primjenu e-aukcije. Nabavka predmetnih roba je predviđena Planom nabavki roba i usluga uprave za 2019. godinu – robe redni broj 5., a procjenjena vrijednost nabavke – 12.000,00 KM, bez PDV-a. Dana 13.06.2019. godine izvršeno je objavljivanje obavještenja o nabavci na Portalu javnih nabavki, broj obavještenja 1292-7-1-8-3-7/19.

U terminu utvrđenom obavještenjem o javnoj nabavci i tenderskoj dokumentaciji dana 28.06.2019. godine izvršeno je javno otvaranje blagovremeno pristiglih ponuda, kojom prilikom je konstatovano da je blagovremeno svoju ponudu dostavio jedan ponuđač, sa ukupnom ponudnom cijenom, kako slijedi:

Broj protokola ugovornog organa	Broj koverta sa ponudom	Naziv/ime ponuđača	Koverta ispravno zat. i potp. ili opečaćena	Ukupna cijena ponude bez PDV-a	Ponudeni popust
01-05-6-02895/2019-I	1.	„Kraning“ d.o.o. Puračić	Da	12.150,00 KM	Ne

Javnom otvaranju ponuda nije prisustvovao predstavnik ponuđača koji je dostavio ponudu.

Nakon javnog otvaranja ponuda Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumenata koji su sastavni dio ponude, validnosti ponude, potpis ponude i ovjera, te je izvršen pregled i provjera garancija, obrazaca i drugih dokumenata. Pregledom i analizom dokumentacije koju je dostavio ponuđač, a koja je propisana u tenderskoj dokumentaciji Komisija je utvrdila da je ponuđač dostavio kompletnu dokumentaciju, te da ne postoje razlozi za odbacivanje ponude shodno odredbi člana 68. Zakona o javnim nabavkama BiH.

Komisija je izvršila provjeru računске ispravnosti dostavljene ponude, te tom prilikom nije konstatovala računске greške u ponudi.

Obzirom da je u ovom postupku dostavljena samo jedna ponuda, a shodno odredbi člana 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) e-aukcija se nije mogla zakazati.

Komisija je zaključila da je ukupna cijena u okviru sredstava planiranih za konkretnu nabavku, ali da je potrebno izvršiti neposredan uvid u kvalitet daktilo stolice koju je ponudio navedeni ponuđač, obzirom da više od polovine sredstava planiranih za nabavku otpada na nabavku ove vrste roba. Što se tiče ostalih stavki iz specifikacije komisija je zaključila da robe koje su ponuđene odgovaraju zahtjevima tenderske dokumentacije u smislu njihovih dimenzija i ostalih karakteristika. Zadužena su dva člana komisije da izvrše uvid uvidu u ponuđene daktilo stolice, te je prilikom uvida u stolice od strane članova komisije zaključeno da ponuđene stolice odgovaraju zahtjevima tenderske dokumentacije. Komisija je nakon toga zaključila da je ponuda prihvatljiva, te je shodno navedenom dala preporuku direktoru uprave da donese odluku kojom će ugovor o nabavci predmetnih roba dodijeliti ovom ponuđaču

Nakon razmatranja dostavljene preporuke Direktor Federalne uprave za inspeksijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste

DIREKTOR

Anis Ajdinović

Dostaviti:

1. „Kraning“ d.o.o. Puračić, Sarajevska 1/a, 75305 Puračić
2. Sektor za materijalno-finansijske poslove
3. Sektor za tehničku podršku i plansko- analitičke poslove
4. Komsija za javne nabavke (a/a).

17-07-2019